



Concello de Oza-Cesuras

RESOLUCIÓN DO ALCALDE

ASUNTO: APROBACIÓN BASES E CONVOCATORIA: 1 PRAZA DE XEFE DE BRIGADA, 1 PRAZA DE PEÓN CONDUTOR E 4 PRAZAS DE PEÓNS PARA A BRIGADA DE VIXILANCIA E DEFENSA CONTRA OS INCENDIOS FORESTAIS.

Visto o convenio de colaboración, de data 12 de maio de 2015, entre a Consellería de Medio Rural e do Mar e o Concello de Oza-Cesuras para a participación na prevención e defensa contra incendios forestais mediante a actuación de brigadas de prevención e defensa cofinanciadas co Fondo Europeo Agrícola de Desenvolvemento Rural (Feader) no marco do PDR de Galicia 2007-2013 por un período de tres meses durante a época estival, sendo éste o período de perigo alto de incendios no que se ten que adoptar medidas e accións especiais de prevención e defensa contra os incendios forestais.

Atendendo ao convenio, os traballos consistirán:

En labores de intervención nos incendios forestais no ámbito municipal de Oza-Cesuras, sen prexuízo de que conforme a normativa aplicable o persoal das brigadas municipais participará nas operacións de extinción e de remate de incendios forestais, baixo o mando único operativo dependente da Consellería competente en material forestal cando así o decida por parte do mando único e conforme ao artigo 48,6 da Lei 3/2007.

En actuacións manuais en vías e camiños forestais, áreas cortalumes e faixas de xestión de biomasa mediante roza, rareo e eliminación de restos, nos tres meses de operatividade da brigada.

Para levar a cabo estes traballos contratarase unha brigada de prevención e defensa contra os incendios forestais e que estará composta por 6 membros, actuando un deles como responsable e coordinador do funcionamento da mesma para establecer as relacións operativas e de comunicación co persoal do Distrito Forestal.

Á vista do anterior, ao abeiro dos artigos 44 e 116 do Regulamento de organización, funcionamento e réxime xurídico das corporacións locais, aprobado por Real Decreto 2568/86, de 28 de novembro, e o artigo 14 da Lei 30/1992, de réxime xurídico das administracións públicas e do procedemento administrativo común (modificada pola Lei 4/1999 do 13 de xaneiro), o artigo 21.1.g) e 102.1) da LBRL, e demais competencias que me confire a lexislación vixente. O Alcalde,

RESOLVE:

APROBAR AS BASES QUE HAN DE REXER PARA A PROVISIÓN EN RÉXIME DE PERSOAL LABORAL TEMPORAL DUN CAPATAZ, UN PEÓN CONDUTOR E CATRO PEÓNS PARA A CREACIÓN DUNHA BRIGADA DE PREVENCIÓN E DEFENSA CONTRA INCENDIOS FORESTAIS, 2015

1.- Obxecto da convocatoria





Concello de Oza-Cesuras

Constitúe o obxecto destas Bases a aprobación da convocatoria e regulación do proceso selectivo para a provisión mediante contratación laboral, de duración determinada, por obra ou servizo, durante tres meses e a xornada completa (40 horas semanais), de 1 praza de Capataz, 1 de Peón Conductor e 4 de Peóns para a Brigada de Prevención e Defensa contra incendios forestais, anualidade 2015.

2.- Obxecto do Contrato

As funcións a desenvolver consisten nas tarefas propias dos citados postos de traballo nas brigadas de prevención e defensa contra os incendios forestais obxecto do convenio asinado coa Consellería do Medio Rural e do Mar, consistentes na realización, por parte de todos os membros da brigada, de tarefas de limpeza de masa forestal e extinción de incendios forestais.

3. Requisitos das persoas aspirantes.

Os aspirantes deberán reunir os seguintes requisitos, referidos á data na que remate o prazo de presentación de instancias:

- a) Ser español ou posuír a nacionalidade de calquera dos estados membros da Unión Europea ou a dalgún dos Estados aos que sexa de aplicación a libre circulación de persoas traballadoras nos termos definidos no Tratado Constitutivo da Unión Europea, en virtude dos tratados internacionais celebrados pola Unión Europea e ratificados por España, todo isto nos termos do artigo 57 do Estatuto Básico do Empregado Público.
- b) Ter cumpridos os 18 anos da idade, e non superar a idade máxima de xubilación.
- c) Non ter sido separado do servizo de ningunha Administración Pública en virtude de expediente disciplinario nin atoparse inhabilitado, por sentenza firme, para o exercicio de funcións públicas.

Titulación requerida


Estar en posesión do Certificado de Escolaridade, equivalente ou superior e ter o carne de conducir tipo B para as prazas de Peón Conductor e Capataz de Incendios.

Titulación específica para o posto

Para a praza de **Capataz** é requisito imprescindible estar en posesión da titulación de Enxeñeiro de Montes, Enxeñeiro Técnico Forestal, Técnico Superior en Xestión e Organización de Recursos Naturais e Paisaxísticos, técnico en traballos forestais e conservación do medio natural ou formación profesional equivalente, ademais do carne de conducir tipo B.

4. Forma e prazo de presentación de instancias

4.1 As persoas que desexen tomar parte nas probas selectivas deberán facelo constar mediante instancia dirixida ó Sr. Alcalde do Concello de Oza-Cesuras e que se presentará no Rexistro Xeral do Concello ou por calquera dos procedementos que prevé o artigo 38 da Lei 30/1992, do 26 de novembro. Neste último caso deberase remitir copia da solicitude ao Fax 981 792000 antes do remate do prazo de presentación das solicitudes.





Concello de Oza-Cesuras

O prazo para a presentación de solicitudes será dende o **día 9 ta o día 15 de xullo de 2015**, no rexistro xeral do Concello de Oza-Cesuras, **en horario de 8:30 a 14:30, agás o sábado 11 de xullo, que será de 9:00 a 13:00 horas**. As persoas interesadas terán á súa disposición na páxina web e no Concello o modelo de solicitude. A presentación da solicitude supón o coñecemento e aceptación expresa do contido destas bases.

As bases, así coma os resultados das probas selectivas serán publicadas no Taboleiro de Edictos do Concello e na páxina web do Concello de Oza-Cesuras (www.concellodeozacesuras.es).

4.2 A solicitude deberá ir acompañada por:

- a) Fotocopia do DNI ou documento correspondente ao país da UE
- b) Documentación que acredite os extremos do punto 3 destas bases. A a experiencia laboral acreditarase mediante contratos de traballo ou equivalentes ou Informe de vida laboral.
- c) Declaración xurada de non ter sido separado mediante expediente disciplinario do servizo de ningunha Administración Pública, nin atoparse inhabilitado para o exercicio das funcións publicas.
- d) Fotocopia cotexada do carnet de conducir B.

5. Admisión das persoas aspirantes

Rematado o prazo de presentación das solicitudes, a Alcaldía ditará resolución declarando aprobada a Lista de persoas admitidas e excluídas. Na devandita resolución, que se publicará no Taboleiro de Edictos e na páxina web do Concello de Oza-Cesuras, sinalarase o día e a hora na que os aspirantes comparecerán para realizar as seguintes probas: teóricas, médicas e físicas e teóricas, sendo calquera das tres probas eliminatorias.

Esta resolución establecerá a composición da comisión que se encargará de levar a cabo o proceso selectivo e que estará composta por cinco persoas.

6.- Tribunal seleccionador


O Tribunal seleccionador estará integrado polos seguintes membros:

- Presidente: D^a. María Belén García Otero, funcionaria do Concello de Oza-Cesuras.
- Vogal: D. José Manuel López Fraga, persoal laboral do Concello de Oza-Cesuras.
- Secretario: D. Celestino J. Amigo Liñares, vicesecretario do Concello de Oza-Cesuras.

Non poderá constituirse nin actuar sen a asistencia de máis da metade dos seus membros, sendo preciso, en todo caso a asistencia do presidente e da secretaria.

7.- Procedemento selectivo

As persoas aspirantes serán convocadas para cada exercicio en chamamento único mediante anuncio na páxina web e non Taboleiro de Anuncios do Concello, quedando decaídos no seu dereito os solicitantes que non compareceran a realizalo, salvo os casos debidamente xustificadas.





Concello de Oza-Cesuras

As persoas aspirantes deberán presentarse para a realización de cada exercicio provistos do DNI, ou documento fidedigno acreditativo da súa personalidade.

7.a Proba escrita:

O Tribunal convocará ás persoas candidatas, a un exame teórico, tipo test con catro respostas posibles, que terá por finalidade avaliar os coñecementos do posto, os coñecementos do territorio así como a dispoñibilidade do aspirante. Puntuarase ata un máximo de 6,00 puntos. A falta de presentación do aspirante á proba teórica significará a súa exclusión inmediata do proceso selectivo.

7.b Proba entrevista:

As persoas que superen a nota de corte que estableza a comisión seleccionadora pasaran a fase de entrevista, onde se terá en conta a súa experiencia laboral, interese no posto, capacidade de traballo en equipa, etc.

7.c. Proba Médica

Terá un resultado de apto/non apto. Realizaranse os análises e controis establecidos. No caso de resultar non apto, suporá a exclusión inmediata do proceso.

7.d. Proba Física

Terá a cualificación de apto/non apto. Consistirá en camiñar 3.200 m sobre terreo chan cun peso de 11 Kg ás costas nun tempo máximo de 30 minutos ou na proba do banco, aínda sen concretar. Os aspirantes deberán vir provistos de zapatillas de deporte e dunha mochila cargada co peso antedito. Non está permitido correr durante a realización. Recoméndase levar roupa lixeira transpirable e permitise levar líquidos para hidratación. No caso de resultar non apto, suporá a exclusión inmediata do proceso.

8.- Resolución

Concluído o proceso selectivo, o Concello de Oza-Cesuras publicará no Taboleiro de Anuncios do Concello e na paxina web: www.concellodeozacesuras.es, as listaxes das persoas candidatas que se contrataran e as listaxes de persoas suplentes e cos que se formara unha bolsa de traballo para cubrir posibles renuncias ou outras vacantes, ou para atender necesidades imprevistas.

9.- Documentación

As persoas aspirantes propostas para formalizar o contrato laboral, deberán presentar nun prazo máximo de dous días naturais dende a publicación da lista de candidatos os seguintes documentos:

- a) Certificado de titularidade de conta bancaria.
- b) Copia da Tarxeta Sanitaria ou número da Seguridade Social.





Concello de Oza-Cesuras

No caso de que dentro do prazo indicado, e salvo os casos de forza maior debidamente acreditados, non presentasen a documentación ou da mesma se deducise que carecen dalgún dos requisitos esixidos, non poderán ser contratados, quedando anuladas todas as actuacións, sen prexuízo da responsabilidade en que puidesen incorrer por falsidade nas súas solicitudes de participación.

10.- Resolución de incidencias

O Tribunal de selección poderá resolver tódalas dúbidas que se presenten no non previsto nestas bases e adoptar os acordos que resulten procedentes, os cales se publicarán no Taboleiro de Edictos do Concello e, no seu caso, na páxina web do Concello de Oza-Cesuras (www.concellodeozacesuras.es)

Oza-Cesuras, 6 de xullo de 2015.

O ALCALDE,



Asdo.- J. Pablo Gonzalez Cacheiro

O VICESECRETARIO,



Asdo.- Celestino J. Amigo Liñares

DECLARACIÓN XURADA

Don/Dona.....
con domicilio en.....
concello..... provincia de
nacionalidade.....con DNI nº.....
declara baixo xuramento non ter sido separado mediante expediente disciplinario do
servizo de ningunha Administración Pública, nin atoparse inhabilitado para o exercicio
das función públicas.

En Oza-Cesuras, a de..... de 2015

Asdo.:



Concello de Oza-Cesuras

D./ _____,
con DNI. _____ e domicilio en _____,
teléfono _____

EXPÓN:

Que tendo coñecemento da aprobación de bases e da convocatoria das praza de persoal que se sinalan para a brigada de vixancia e defensa contra os incendios forestais dese concello e reunindo os requisitos esixidos

- 1 XEFE DE BRIGADA
- 1 PEÓN CONDUTOR
- 4 PEÓN

SOLICITA:

Ser admitido para a citada contratación laboral para o que en cumprimento do establecido no punto 4.2 das bases achega a seguinte documentación:

- Fotocopia do DNI ou documento equivalente ao país da UE
- Documentación que acredite os extremos do punto 3 das bases.
(*A experiencia laboral acreditarase mediante contratos de traballo ou equivalentes ou informes de vida laboral*)
- Declaración xurada de non ter sido separado mediante expediente disciplinario do servizo de ningunha Administración Pública, nin atoparse inhabilitado para o exercicio das funcións públicas.
- Fotocopia cotexada do carnet de conducir B.

AUTORIZO:

Ao Concello de Oza-Cesuras a comprobar cantos datos sexan necesarios nos distintos rexistros dos correspondentes organismos públicos, conforme ao previsto na lexislación vixente en materia de protección de datos de carácter persoal.

En Oza - Cesuras, a ____ de _____ de 2015.

